

MIZORAM PRESBYTERIAN KOHHRAN

(Presbyterian Church of India)

Moderator : Rev. Dr. C. Lalhlira
Secretary (Sr): Upa Lalrinmuana
Secretary (Jr): Rev. Z.D. Lalhmachhuana
Fin. Officers : Rev. B. Sangthanga
Rev. Lalramliana Pachuau
Statistician : Upa Lalthianghlina



Sr. Executive Secretary
Rev. Lianhmingthanga Sailo
Executive Secretary
Rev. B. Sangthanga
Rev. K. Lalrinmawia

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramynod@gmail.com; Fax: 0389-2322132

CIRCULAR NO 60 OF 2021 (Tualchhung Kohhrante hnena ngenna)

Mizoram Kohhran Hruaitute (MKHC) Committee chuan tunlaia kan ramin boruak a hmachhawn mek chungchang ngaihtuahin mipuite hnena thu chah siam tula hriain thu chah a siam a, hei hi mi tinin ngaipawimawha zawm theuh turin min ngen a ni.

Hemi chungchang bawhzui dan tur hi OM Online-a inrawnkhawm chuan, MKHC-in min ngen ang hian kan Kohhran chhung tinten tihlawhtling theuh turin Tualchhung Kohhran tinah hriattir ni se tiin a rel a (*Vide OM Online Inrawnkhawm thu of 4.8.2021*). Tualchhung Kohhran tinin mahni remchan anga kohhran mite hnenah lo hriattir dan ngaihtuaha bawhzui tum theuh ni se.

Heng kan ramin a hmachhawn mek Covid-19 hripui leng mek a lo ziawm zel theih nan leh ramria buaina pawh a lo fel thuai theih nan chhung inkhawmah leh remchang kan neih ang zelin thahnemngai takin Pathian hnenah i dil zel ang u tiin chhung tinte kan ngen a ni.

Synod Information & Publicity hmanga ngenna kan thawn chhuah hi official-a lo pawm tlang theuh turin kan beisei. MKHC thuchah copy pawh karawn thawn tel bawk e.


(UPA LALRINMUANA)
Secretary
Mizoram Synod

No. MS/GEN- 46/2021/132/_____

Dated Aizawl, The 5th August, 2021

Copy to:

1. Secretary, Tualchhung Kohhran tinte, an kohhranah hma an lo lak ngei theih nan
2. Pastor/Pro Pastor-te, an lo hriata an bial chhunga hma an lo lak theih nan.
3. Bial Secretary-te, Bial chhunga Kohhrante an lo hriattir theih nan.
4. Co-ordinator i/c Synfo, a zau thei anga a lo pek chhuah theih nan
4. Office Circular File
5. Guard File


Secretary
Mizoram Synod

MIZORAM KOHHRAN HRUAITUTE COMMITTEE (MKHC)

MIPUI TE HNENA THUCHAH

Tun laia kan ramin boruak a hmachhawn mek chungchangah MKHC chuan Mipuite hnena Thuchah siam tulin a hria a, he thuchah hi kan han siam leh a, ngai pawimawha lo zawm theuh turin mipuite kan ngen a ni:

1. **Lawmthu sawina:** Tun laia kan ramin a buaipui, covid-19 hripui leng laka mipui kan him theihna tura theih tawp chhuaha hmalatu kan sawrkar hotute, tlawmngai pawl leh mawhphurtu hrang hrangte hnenah MKHC chuan lawmthu kan sawi a. July 18, 2021 Pathianni zana covid hripui leng a lo reh theih nan leh ramri buai chinfel a nih theih nana Rampum huap tawngtai beihpui MKHC-in a huaihawt tha taka mipuiten min lo zawmsaknaah lawmthu kan sawi baw a ni.

2. **Kan ram harsatna tawh mek chungchang:**

1) July 26, 2021-a Mizoram chhunga Assam Police leh Mizoram lamte inkara ralthuam leh tharum hmanga intihbuaina a thleng leh nunna hlu tak chan leh hlaim tuar eng emaw zat an awm hi pawl kan ti a. Lusun chhungte kan tuarpuiin hlaim tuar zawng zawngte an that chhuah leh thuai kan duhsak a, an tan kan tawngtai a ni.


2) Mizoram sawrkarin ramri buai ching fel tura hma a la hi lawmawm kan ti a, huaisen takin hma la zel se tha kan ti a, sawrkar hruaitute tan hian kan tawngtai reng a ni.

3) Covid-19 vei kan pun chhoh zel avangin a invenna kawngah hian tha thlah mai theih a la ni lo va. Chuvangin, hemi lama mawhphurtute pawh tlawmngai taka tan la zel turin kan ngen a, mipui lam pawh, kan himna tura sawrkarin pawna chhuak lova mahni ina inkharkhip rih tura min ngenna hi zawm hram hram turin kan inngen a ni.

4) Hetianga hripui leh ramria harsatna kan tawh lai hi Mizoram mipuite inlungual leh thukhat vuaa kan awm a tul hun a ni a. Tu mahin politics leh sumdawna kawngahte mimal leh pawl bik hamthatna atan emaw, inbeihna atan emaw hman lo turin kan inngen a. Tin, boruak tha lo thlen thei chi leh thu belhchian dawl lo social media lama vawrdarh lo tur leh kan zinga hnam dang awmte harsatna thlen thei tur laka inveng finkhur hram hram turin mi tinte kan ngen a ni.

3. **Tawngtai tura ngenna:**

Kan buaina zawng zawng min chinfelsak theitu chu Pathian a ni a, covid-19 hripui leng hi a lo reh a, ramri buaina zawng zawng pawh hi tha taka chinfel a nih theih nan theihtawp chhuaha Van Pathian auva, tawngtai theuh turin Mizoram mipui zawng zawngte kan ngen a ni.



(REV. R. LALRINSANGA)
Secretary



(REV. DR. C. LALHLIRA)
Chairman

Date : 03.08.2021